

77. Propter corpus placidum, veste rubra indutum, illa, oculos in pedes defigens, pura judicabatur.

78. Homines oculos avertentes ab illius adspectu, stabant capitibus demissis, veluti oryzæ plantæ, fructibus onustæ.

79. Vates in sella considens, sic eam allocutus est: "In mariti tui conspectu, O filia, ex hominum animis remove dubium de moribus tuis."

80. Tum SÍTA, puram aquam, a VÁLMÍKIS discipulo allatam, ore hauriens, sermonem verum locuta est:

81. "Ut ego neque voce, neque animo, nec facto peccatum commisi in maritum, ita tu Tellus, alma dea, me in te recipere velis!"

82. Ita cum casta locuta esset, e terræ hiatu, subito orto, fulminis instar lumen processit, splendoris orbe cinctum.

83. In ejus medio apparebat Tellus, corpore induta, oceano cincta, sedens in solio regio, quod in serpentis capite collocatum erat.

84. Illa gremio excipiens SÍTAM, quæ oculos in maritum conjiciebat, dum ille: "ne facias! ne facias!" exclamabat, in inferna descendit.

85. Illius, arcu arrepto SÍTAM recuperare volentis, iram in Tellurem magister, fati potentiam perspicuens, mitigabat.

86. Vatibus amicisque honoratis sub sacrificii finem dimissis, RÁMAS amorem, quem erga SÍTAM foverat, in ejus filiis collocabat.

87. Atque YUDHÁJITE suadente ille, progeniem adeptus, regionem *Sindhuis* nomine appellatam dedit BHARATÆ, quem imperio ornavit.

88. BHARATAS, postquam ibi *Gandharvos* prælio vicerat, eos citharam capere, tela deponere jussit.

89. Ille cum filios suos, TAKSHAM et PUSHKALAM, inauguratione dignos, in urbibus regiis, iisdem nominibus appellatis, inaugurasset, rediit ad RÁMAM.

90. LAKSHMANAS vero RÁMA jubente filios suos ANGADAM et CHANDRAKETUEM *Kárápathæ* regionis dominos fecit.